

zakilixut

© Olariagak



Luis Karlos Garcia | GASTEIZ

ATZEKOZ AURRERA



MIREN SAEZ

Bernardo Atxaga idazlea hitzaldia hasi aurretik.

Gaztetxea paraje ezin hobean dago Gasteizen, hiriko tontorrean, harro-harro, duela 13 urtetik. Ez da harrigarria, hortaz, PP-Uaren Udalak lokala lurrera eraitsi eta Dorre-Begiratoari turistikoa eraiki nahi izatea. «Gaztetxea ez da Gazte Asanbladarena. Gasteizko gizartearena da, etxeon urtetan diharduten taldeek ematen dioten bizitzari esker. Zuzen ibil deitezela!», adierazi digu Zigorrek, Jon Benito eta Gari Berasaluzeren saioa hastear delarik.

Atxagaren koadernoak, gazteei zabal-zabalik

«Baina nola liteke Udalak suntsitu nahi izatea honelako Literatura Aste mardula antolatu duena?», galdetu du batek, liburutegia inauguratzeko antolatutako egitarau mardulari begira. «Egin al dute antzekorik noiz-bait hemengo erakundeek?», erantsi du, haserre samar, lokaler sartu aurretik. Barruan gazte ugari dago, denak ere, Bernardo Atxagaren xarmak harrapaturik. Idazleak mikroa laga du; ziztu batean, gazteek koadernoak ireki, eta, hegan doaz gogoetak arratsalde ederreko zeruaren bila.

Atzo Iñigo Aranbarri eta Jose Luis Otamendi aritu ziren, Laura Mintegi gaur, hamaika lagun biharko irakurraldi antzeztuan, eta Kirmen Uribe nahiz Mikel Urdangarinen ikuskaria igandean. Tailer, kontzertu nahiz ikastaro dezente datozen asteetan. Baina Udaletxean gizon grisen bat nola bota burutaziotan dabil...

Gaztetxea, kultur etxea

Atxagak hitzaldia eman du Gasteizko etxe okupatuko liburutegia inauguratzeko eratu Literatura Astean



MIREN SAEZ

Hiru mila ale bildu dituzte gaztetxeko kideek.

Hiru mila ale inguru dauka, baina oraindik ez dituzte denak apaletan jarri. Bi urte aritu dira liburutegia moldatzeko lanetan, baina merezi izan du. Txikia, txukuna, baita bitxi samarra ere: Giocconda Belliren fintasunaren parean, J.J. Benitezen xelebrekeriak baitaude, eta, gertu-gertu, Joseba Sarrionandiaren ipuin apartak... Alabaina, irakurtzeko gela du arraroena, eta, aldi berean, ederrena: suhiltzaileak ere

nekez igoko duten eskuko eskailera batetik pare bat metro eskalatuta, terraza bat dago. Gasteizko toki gutxitatik ez bezala, handik ikusten den paisaia egundokoa da, benetan polita. Teilatuko leiho horietako batzuk daude inguruetan, baina, hauek ere, ezohikoak. «Bai, Dyane-6 zahar batetik hartu genituen... Udan irakurtzeko leku aproposa, eh?», esan dio Gazte Asanbladako Jonek kazetari nahigabetuari.

CHAPUCETTI
T-SHIRT Co.
SERIGRAFIA TESTILA
Kamisetak, poloak, metxeroak eta abar.
Zigordia, 52 - Tel-Fax: 943 13 05 25 (Tren geltoki ondoan)
e-mail: chapucetti@mugur.euskalnet.net
Mugikorra: 652 77 09 01 **ZARAUZ**